



Universitätsbibliothek Paderborn

**Allocutiones Sacræ, S^vp^r Evangelia Dominicarvm totius
anni**

Jahoda, Johann

Pragæ, [ca. 1659]

Dominica XXIII. post Pentec: Virgines sunt immortales.

[urn:nbn:de:hbz:466:1-51496](#)

DOMINICA XXIII. POST PENTECOSTEN.

Virgines sunt immortales.

Non est mortua puella. Matt: 9.

Ecli. 41.



Mors, quam amara est memoria tua homini pacem habenti in substantia sua! O nimium crudelis & sanguinaria mors, quae nullo discrimine sortiris insignes & imos, ac a quo pulsas pede pauperum tabernas, Regumq; turres! O barbarorum omnium immanissima mors, quae carissimos divellis, conjuges separas, Parentes liberis, liberos parentibus orbas, regiones depopulas, civitates depascis, exercitus devoras, Academias desolas! Xerxes ille Rex potenter ad Heliod. tissimus, (verba sunt D. Hieronymi,) in epitaph. qui subvertit montes, maria confravit, Nepotiani. cum de sublimi loco infinitam hominum multitudinem, & innumerabilem exercitum affexisset, illacrymatus dicitur, quod post centum annos nullus eorum, quos tunc cernebat, superfuturus esset. Et quomodo ego lacrymas tenere potero, dum de sublimi hoc suggestu, frequenter istam & florentissimam Auditorum meorum contemplor coronam? Vereor enim (& utinam vanus me luderet metus) vereor, ne forte post annos non dico centenos, sed quadrage nos totus hic honorabilis numerus absent in nullas ooco. nullusque de presentibus sequens seculum a Christo decimum octavum vivendo attingat. Sed nihilne adversus tantam pestem remedium? ergo

Contra vim mortis non crescit germe in hortis?

Nulla amplius in rerum natura datur, arbor vitae? Mori omnes debemus? Fuere equidem haec tenus quam plurimi, qui ut se redderent immortales, nullum non moverunt lapidem. Sinarum quidam Imperator ex antiquioribus (ut hoc studium Sinis per frequens est) poculum impostorum arte preparatum habebat, quo exhausto immortalis. Sinicalem se fore credebat, nec ulla ratione hanc sibi opinionem patiebatur evelli. Subinde primæ admissionis amicus, dum is vultum tantisper à poculo avertit, illud clam surripuit, & impigre exhaustit. Excanduit ad hoc factum supra recti honestique modum Imperator, jamque strictum ensim in amiciliā adigere parabat, quod sibi immortalitatis poculum eripuisse. At hic intrepidus: exhausto, inquit, immortalitatis poculo, etiam vitam mihi eripi posse putas? Certè si eripi potest, nullum crimen admisi; neq; enim ego tibi immortalitatem eripi, sed fraude liberavi. Quibus dictis alter acquievit, & amici prudentiam, deterso errore, collaudavit. Longè magis insaniwere, Cleanthes, Chrysippus, Zeno, Empedocles Philosophi, dum immortalitatis amore in Aetnam insilierunt, ut nimirum, posteaquam repente disparuerint, ad Deos abiisse crederentur. Quos imitatus est Cleombrotus Atbraciotes, qui lecto Platonis Phædone

dōne de animæ immortalitate, ut ad immortalitatem transiret, è muro se in mare dedit præcipitem. O præclaram immortalitatem, cui æterna mors annexa est! Tutiorem ego vobis hodie modum (si modò illo uti libuerit) suggestam, ubi probavero Virginitatem nunquam mori.

Probo autem primò autoritate ipsius æternæ veritatis, summiq[ue] in omnibus scientijs Magistri, qui ad hodiernam Virgunculam à mortuis revocandam gratijs ab illius Patre invitatus, respondit categoricè: *non est mortua puella.* Itane verò, Magister bone, non est mortua, quæ sensum omnē amisit, quæ pro forma virginea cadavericam induit, quæ in atram sua clausit lumina noctem, quæ vultu fædūm expalluit, quæ corpusculo toto obriguit, cui nulla amplius micat arteria, cor sine motu est, halitus nullus ab ore spirat? Profectò ubi hanc propositiōnem turba tumultuans audierit, à san-nis, cachinnis & sibilis vix sese continebit. Et ecce, quod verebar, evenit;

Luc. 7. 53. nam deridibant eum, inquit Evangelista, scientes quòd mortua esset. Sed o generatio stulta & incredula, num vos magis, quām veritatis Magister sapientis? num plus stupidis vestris sensibus, quām dictis divinis credētis? Si infallibilis veritas negat puellam esse mortuam, igitur mortua non est, sed vivit.

I. Et, ut rationibus vobiscum agam, *Universitas* *BIBLIOTHEK* *PADERBORN* *Virginitas* *est incor-* *ruptio.* Quomodo mori possit Virginitas, quæ ex conceptu suo essentiali est ipsiflamma incorruptionis? Sicut enim corruptas vocamus, quæ Virginitatem suam prodegerunt, ita vice versa puellas & ado-

lescentes Virgines, appellamus incorruptos. Incorruptibilem autem esse, nonne idem sonat, ac esse immortale, cùm mors aliud nihil sit, quām viventis corruptio? Corrupebat in diebus Noë omnis caro viam suam, quando omnes erant nebentes & nupti tradentes: & Mat. 24.38

idecirco veluti potentia cadavera aquis debebant obrui, ne totum aërem, & ipsum forte cœlum factore suo inficerent. Ipse verò Noëmus, utpote continens (nam totis propè quingentis annis cœlebs mansisse videtur †) mergi non potuit, nec debuit. Et quamvis deinde ob conservationem generis humani, potius quām ob voluptatem tori confortem acceperit: tamen diluvio durante ab ea se separare Deo jubente debuit; dictum enim est illi: in-

gredere arcamu & filij tui; uxor tua, & Gen. 6. 18. uxores filiorum tuorum tecum. Cur separatim viri, separatim feminæ ingredi jubentur? Responder Damascenus: ut cum castitate pelagus, & illud

commune naufragium evitarent. Quasi tam atrox tempestas in eos tantum sae-

vire non auderet, quos una castitas cu-

stodiret. E tribus illis illustribus Patriarchis Abraham, Isaac, & Jacob longissime vitam produxit Isaac. Abraham enim vixit annos septuaginta-

quinque supra unum seculum; Jacob centum quadraginta septem; at verò Isaac dies completi sunt centum octoginta

annorum consumptis q[uod] atate mortuus est Gen. 35. 29.

plenus dierum. Quæ causa tam pro- vectæ ætatis? quia Isaac majorem con-

tinentiam, quām ceteri, servavit; fuit e-

nim monogamus, ceteri polygami, inquit in l. 1. Reg. Eborensis sacrarum literarū interpres. c. 3. n. 10.

V. V. 2. Quid.

Quid si omnino nullam uxorem duxisset? Existim o ad hodierum diem vietum fuisse, quemadmodum vivit Elias in paradyso, aut ubi ubi tandem adventum Antichristi expectans. Hic namque, ut docet Mediolanensis Anti-Ambr. l. i. stes, quia nullius corporei coitus fuisse de Virgin. permixtus cupiditatibus invenitur, ideo mortem non oppetit, ideo curru raptus est ad cælum. Et rursus alio loco: *He-*
serm. 87. de *Helisa.* *Helias*, inquit, *Angelis ducentibus raptus ad cælum est, & quadriga ignea impositus, quasi in quodam triumpho victor ascendit. Victor enim exiterat, non gentium barbararum, sed seculiarum voluptatum.*

Num. 25. 7 Aliqui opinantur Eliam non distingui ab illo celebri Phinees Aaronis nepote, qui tantus fuit pudicitia zelotes, ut mæchos in ipso turpi actu pugione confoderit: videturque inter ceteros huic opinioni favere D. Petrus Damiani, dum in quadam epistola ad Nicolaum Papam recitans divinum illud de Phineo proinssum: *ecce do ei pacem faderis mei, &c.* ita disserit: *pacem sui faderis Dominus illi dedit, quia sedata omni carnis molestia, vivere illum usq; in finem Mundi in paradysi amoenitate constituit.*

Petr. Da- *mian ep. 12.* *Papam.* *Ipse* *siquidem est, nisi fallor, Helias Propheta, qui videlicet igneus equis, & curru, Heliso suspiciente, est translatus in cælum. Quod si illi obijcias, à tempore quo Phinees vixit, usque ad Eliæ raptum, sex integra secula cum annis viginti effluxisse, respondebit: *jure, quia mæchis repentinam intulit mortem, tam annos et fortius est longitudinem.**

Quid de S. Joanne Evangelista ocello Domini dicam? nonne & is, licet juvenis pingatur, omnes suos colle-

gas ætate superavit, siquidem usque ad Trajani sceptra & fasces, hoc est, ad sexaginta & octo annos à Dominica. Passione vitam produxit, velut alter Itaac plenus dierum, ut vix inter discipulorum manus ad Ecclesiam deferretur? Hieron. de script. Eccl. Et quamvis mori videri potuisset, cum in sepulchro seipsum ad quietem composuit, tamen probabilius tenet sententia, eum ab Angelis, a quæ ut Eliam, in paradysum translatum, adeoque verificatum esse sermonem, qui quondam inter fratres exierat: *quia discipulus ille non moritur.* Vnde illi tanta præ D. Petro Apostolorum Principe prærogativa? in promptu causa est: Joannes virgo fuit, Petrus uxorem & filiam Petronillam habuit. Ex quo ostenditur, inquit Doctor Dalmata: *virginitatem non mori, & dormitionem ejus transiit esse, non mortem.*

Magnorum Principum corpora solent ab obitu unguentis & opobalsamis condiri, ut saltēm hac arte incorrupta serventur. Sic fūsus Justiniani describens Poëta canit:

*Thura Sabaea cremant, fragrantia Corippu l.
mella locatis
Infundunt pateris, & odoro balsama 3.
succo,
Centum alia species, unguentaq; mira
feruntur,
Tempus in eternum sacrum servan-
tia corpus.*

At verò virginitas, Doctoris melliflu testimonio, est sibi ipsi instar odoriferi balsami, quo condita cadavera incorrupta servantur, & quidem ita incorrupta, ut in eis nihil cadaverosi, sed mera vita appa-

apparet. Patuit in Sancta Virgine Cæcilia, cuius corpus post octingentos ab ejus Martyrio annos sub Clemente VIII. recentissimum est repertum.

Patuit in S. Martino Turonensem Episcopo, cuius caro post mortem ut nix lumen quæbat, inquit doctus Discipulus. Si cau-
sermon. de sam quæras, respondebit: quia virginis S. Martin. tatem servavit. Patet in S. Francisco Seraphico, qui etiamnum hodie totus integer, stans absque omni fulcro, & instar orantis manus & oculos in colum attollens visitur. Patet in S. Francisco Xaverio, qui ne quidem à viva calce potuit absumi. Patet in B. Catharina Bononiensi, quam viventi similem, sedentis situ videre qui volet, Bononiam adeat. Pulchritudo D. Antonius Paduanus: cum omnes anima iusta sponsa sint Christi, specialius tamen Virgines: quia sicut sponsus & sponsa sunt una caro, ita caro Virginum carni Christi verius se conformat, quam aliorum. Hinc sicut caro Christi non vidit corruptionem, sic

nec caro Virginum.

II. Virgines sunt Angeli. Quid quod Virgines non tam homines sint, quam Angeli, ac proinde ex hoc etiam capite immortales: nemo enim Angelum mori unquam vidit, vel audivit. An quia incorporeus est, mori ideo non potest? Sed & Virgines gloriantur: in carne ambulantes, non

secundum carnem militamus, imò penitus eam crucifiximus cum vitis & con-

cupiscentijs. Quod ponderans D. Chrysologus: semper, inquit, est Angelis co-

gnata Virginitas: in carne prater carnem vivere, non terrena vita est, sed celestis.

Basi. Selev. An quia Angeli non nubunt, neq; nubuntur? de Virgin. sed neq; Virgines. Hinc Basilius Selevcus

in illud Domini dictum: in resurrectione Matt. 22. neq; nubent, neq; nubuntur, sed erunt sicut Angeli Dei, optimè ita argumentatur: si in resurrectione neq; nubent, neq; nubuntur, sed erunt sicut Angeli; & hi profectò, qui virginitatem servant, Angeli sum. Sunt autem Angeli non ex infimo quovis ordine, sed certè illustrissimi atq; nobilissimi. Volebat aliquando D. Joannes flexo poplite adorare Angelum, cum mox ab illo audiit: vide, ne feceris; conservus tuus sum; quasi diceret: sum tui similis, & qua utriusque conditio. Idcirco, quia similis simili gaudet, frequentissima est purissimis illis spiritibus cum Virginibus & castis conversatio, ad eos libentissime divertunt, & ubi ubi lateant, nullo indice, tanquam ex odore deprehendunt. Sic diverterant ad domum Abrahæ sitam in convalle Mambre, quin aliquis illis viam indicaverit. Cum tamen inde pergere vellent contra Sodomam, Ducem Gen. 18. viæ habuerunt Abrahamum. Abraham, inquit Sacra historia, simul gradiebatur, deducens eos. Lippomanus legit: iter indicabat, ne via errarent. O res mira! quomodo ad unam Abrahæ domum, in depressa valle occulatam, multiplici anfractu inviam, arbusulis & virgultis testam, & situ ipso inaccessam sine duce per venerunt, & à tota Peritapoli regione amplissima, quinque magnificis urbibus conspicua, hominibus refertissima metuunt-ne aberrent? Dicit quidam, hoc ideo factum,

quia una domus Abrahæ casta erat; tota illa regio obscurana; Angeli vero castos ubicunq; lateant, probè sciunt; obscenos ubicunq; spatiuntur, non agnoscunt. Circa

Apoc. 19.

San-

Sanctū Regni nostrī Indigetē, Virginēmque (liceat ita loquī) integerimum Wenceslaum quoties Angeli visibiliter nō apparuerunt ! S. Cæciliæ suprà nominata tām erant familiares , ut ei organis canenti ventum folle cierent . S. Nymphæ Virginī Panormitanæ ob spretum connubium , Angeli sertum ex lilijs rosisq; contextum obtulerunt . B. Aloysius Gonzaga tam Angelo incedebat similis , ut hunc ab illo non distingueres : unde est illud epigramma :

*Mat. Sar-
bier. in epi-
gram.*

*Angele, Gonzaga es, si pictas exuis
alas;*
*Si Gonzaga alas induis, Angelus
es.*

III.

Sunt. Dij.

Sap. 6.

Bonavent.

i. Reg. 23.

Hic jam fortè nimis multūm dixisse videbor , si Virgines non tantūm Angelos , sed planè Deos dixerō : sed suffragatur mihi sapiens , dum ait : *incorruptio facie esse proximum Deo*. Quod de Virginibus ab eo intellectum existimat Doctor Seraphicus ita exclamans : *magnum revera quiddam ac preclarum Virginitas est , que hominem incorruptibili Deo simillimum facit*. Eluxit hoc vel per umbram in quodam Phaltiel filio Lais , cui fædisfragus Saul filiam suam Micholem , quam antea Davidi despenderat , præter jus fasque tradiderat : tandem verò occiso Saule Isboseth Davidi restituit : tulit eam à viro sua Phaltiel filio Lais , sequebaturq; eam vir suspirans . Vbi hoc in primis notandum .

est , quod homo ille priusquam accipisset Michol dicatur Phaltiel , illà restituta cognominatur Phaltiel . Cajetanus inquit : *adjunctum est nomini epus , nomen Dei El , quia nunquam cognovit Michol , intuitu Dei , eò quod sciebat esse uxorem Davidis*. Sic quoque illa centum quadraginta quatuor millia , qui cum mulieribus non sunt coquinatai , habent nomen Dei scriptum in frontibus suis . Nec aliud sonat Elias , quām Deus Dominus , quasi qui propter virginitatem , non tantūm apud homines , sed etiam apud Deum loco Dei haberetur . Hinc cùm ad eum Dominus in fibilo auræ te- 3. Reg. 19. nus subinde venisset , ita eum svaviter increpuit : *quid hic agis Elia ?* quasi dixisset , ut Hispanus Orator explicat : * Escobar in " hic vitam agis ? hic Virgo commora . Elia . ris ? loco tam angusto circumscriberis , qui de Virginitatis privilegio debes mecum quodammodo ubiq; commorari ? divinum est , volare super pennas ventorum : quid hic agis Elia ? volat volatu Virginitatis . Sed etiamne alas habet Virginitas ? Habet enim verò plusquam aquilinas . Hæc enim est illa virtus , Augustino teste , qua nos super aethera volando conductit . Atque Augu. ser. ita cùm aliquem Virginum de hoc 37. ad Fra- Mundo abire videritis , nolite tres .

quaeso dicere : *mortuus*.

est ; sed dormit , vel , avolavit .



DOMI-